



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Apologia Pro Conscientiis infirmis, Sev Responsio Benigna  
Pro securitate dictaminis practici super certa  
probabilitate fundati**

**Fibus, Bartholomaeus  
Schweitzer, Johannes**

**Coloniæ, 1682**

§. Quartvs. Qualiter procedendum sit in dubio facti?

**urn:nbn:de:hbz:466:1-39304**



## §. QUARTVS.

*Qualiter procedendum sit in du-  
bio facti?*

I..



Uomodo prudenter in dubio facti procedendum sit, facilis est expositio. Dicendum enim, si opinio minus probabilis sit in materia facti, ut v. g. quod *aqua rosacea sufficiat ad baptismum: panis ex spelta confectus ad Eucharistiam*, item: quod *hac forma sit valida: baptizo te in nomine genitoris, geniti & procedentis*. Similiter extra Sacra menta: ut, quod *hae solennitates sufficient ad contractum vel testamentum validum*: item extra Sacra menta & contractus: quod *hac medicina sit depul siva morborum, & quae similia sunt, casu quo certa* materia, forma, medicina ad manum est: dicendum, inquam, unanimi Doctorum suffragio, non licere certâ relictâ incertam adhibere, adeòque nec ad usurpandam hortari, vel consilium dare. Probatur evidenter ex eo, quia charitas, vel saepe etiam justitia obligat ad succurrendum proximo pro vitando malo non solum spirituali sed etiam corporali, in magna in primis necessitate, ubi facile succurri potest: ergo etiam pro vitando gravissimi damni periculo: quod ne mo non Prudentum pro malo reputat, ut proinde hic

de hīc observandum sit: quod tibi non vis fieri, alterine feceris. Nec enim putandum est, quod va-  
lor Sacramenti pendeat à qualiscunque opinio-  
nis probabilitate, sed ab institutione Christi: qui  
proinde si fortè non sic instituit, sicut tu putas,  
erit Sacramentum nullum: uti & medicina cor-  
poralis intelligitur satis non ex hoc accipere virtu-  
tem sanandi, quod tu probabiliter putas in ea  
esse virtutem sanandi; sed manet ejusdem naturæ,  
sive tu ita, sive aliter putas.

2. Adde, quod peccatum irreverentiae etiam  
committatur erga institutorem Sacramenti, dum  
incerta materia aut forma extra necessitatem, id  
est, temerè adhibetur. Dico, *extra necessitatem*:  
in hac enim licitum est, imò obligatorium *in a-*  
*qua v. g. rosacea baptizare*, vel etiam juscuso, si a-  
qua naturalis ad manum non est: prodesse enim  
pluriūm potest sic baptizari; obesse non potest.  
Idem est in aliis juxta regulam prudentiae hīc &  
nunc expendendis. & sic permittitur Medicis, ut  
in ægro desperato tentetut medicina incerta, cùm  
singuli ex ordinata caritate optent se potius expo-  
ni periculo accelerandæ mortis cum spe conva-  
lescentiæ, quam certæ morti obuenturæ. Et hoc  
sensu intelligitur istud Galeni consilium, quo sua-  
det Medicis ut *audacter & finè metu interficiant*.  
Unde & intelligitur non licere sacerdoti ex justi-  
tia obligato missam legere pro singulis plurimis,  
ut unicam solummodo legat pro omnibus. Licet  
enim probabile videatur, quod singulis æquè con-

ducat ac si pro singulis tantum in particulari lo-  
cta esset: incertum tamen est, ideoque se pericu-  
lo exponit non reddendi singulis quod debet.

3. Atque ut breviter notem, quid circa officium Confessarii specialiter hic observari conveniat: tradita hactenus doctrina etiam tenenda erit, quando incertitudo occurrit circa jurisdictionem per se requisitam ad valorem Sacramenti. Licet enim *Suarez Bonac.* & alii probabilitate doceant suppleri ab Ecclesia, & revera Ministro jurisdictionem conferri quando juxta probabilitatem sententiam creditur habere jurisdictionem, eò quod talis probabilitas æquivaleat errori communi: incertum tamen est, & probabilitas ab aliis negatur. Unde audiendus non est *Palao* iudicans doctrinam ante traditam non tenere in probabilitate jurisdictionis.

4. Si tamen sufficientia requisiti ad valorem dependeat à probabilitate operis, tunc etiam extra ultimam necessitatē, imo & extra causam notabiliter gravem per se licet sequi opinionem minus probabilem, uti communiter Doctores tradunt, & ratio est, quia hoc ipso, quod quis in tali casu sequitur opinionem probabilem, facit, ut sufficientia ponatur ad valorem & effectum Sacramenti. Ac proinde ubi charitas vel justitia exiget, etiam tenebitur Confessarius conformare se opinioni probabili. Dixi per se: quia si specialis prohibitio Ecclesiae intercederet ob gravius malum, quod ex practicatione secuturum fortè præsumeretur

fumeretur, vel opinio non practicaretur sine scandalo &c. non liceret. Absolvi itaque poterit sine scrupulo pœnitens, qui scitur etiam sponte omittere peccatum mortale, dummodo probabiliter judicet non esse mortale: vel etiam qui prudenter quidem formidat se commisisse rem gravem cum sufficiente notitia malitiæ, dummodo probabiliter putet, etiam non commisisse. Quia licet fortè commissum sit peccatum revera mortale, eo ipso tamen quod subjecere illud clavibus omittat ex opinione probabili, facit confessionem formaliter integrum, adeoque simpli- citer sufficientem ad valorem & effectum Sacra- menti. Super quo videri potest *Lugo de pœnitentia diff. 16. n. 58.*

5. Ex his sequitur, validè absolvendum qui peccata venialia & mortalia nunquam licet confessa confiteretur Sacerdoti in sententia solum probabili habenti jurisdictionem: cum enim pœnitens procedat ex bona fide, nullum obiciem ponit. Unde etsi sacerdos fortè non haberet jurisdictionem in mortalia, absolveretur tamen pœnitens ab his indirectè; à venialibus autem directè. Periculum vero subire, ne fortè solum indirectè remittantur mortalia, nullam Christo facit injuriam in Sacramento, cum sit validum & fortifiatur effectum. Ita Suarez Sanchez

Oviedo & alii. Plura hic brevitatis causa omitto.